



# Komunikado

30 di òktober 2020

## cft a hasi bishita digital na Bonaire, Sint Eustatius i Saba

Kolegio di supervishon finansiero di Bonaire, Sint Eustatius i Saba (Cft) e siman aki a hiba kòmbersashon digital ku e Kolegionan Ehekutivo di Bonaire i Saba i ku e Komisario di Gobièrnu di Sint Eustatius i su reemplasante. Komo konsekuensia di e restriksjonnan di biahe, e bishitanan normal na e islanan no por a tuma lugá, meskos ku tabata e kaso na yùni tambe. Den e enkuentronan entre otro a deliberá tokante e konsekuensianan ekonómiko, finansiero i sosial di e pandemia di Coronavirus. Hulanda a pone disponibel kompensashon pa e bahada di entrada di e tres entidatnan públiko.

### Bonaire

Ta nesesario pa Bonaire duna mas atenshon na su siklo di presupuesto i responsabilisashon. No tin mehorashon den e maneho finansiero. Cft a urgi Kolegio Ehekutivo pa sòru pa e mehorashon aki tuma lugá ainda riba término kòrtiku, i pa hasi uso optimal di e medionan finansiero amplio i di e kapasidatnan di e ámtenarnan. Ademas Bonaire mester yena e vakaturanan di e funshonnan klave den e aparato gubernamental adekuadamente i mas pronto posibel.

Cft a bolbe insistí pa bini ku mehorashonnan den e empresanan públiko. Ta trata aki di mehorashonnan relashoná ku e direkshon, maneho finansiero, produkshon na tempu di e kuentanan anual i yenamentu di e vakaturanan den e huntanan di komisario.

E proyekto di presupuesto pa aña 2021 ku Bonaire a entregá ta balansá, ya ku a saka 1,9 mion dòler for di e reserva general, ku ta intenshoná pa tal propósito. Riba 12 di òktober Cft a duna su konseho riba e proyekto di presupuesto aki.

### Sint Eustatius

Pa komienso di aña presupuestario 2021 Cft lo reanudá su trabou di consehero pa e proyekto di presupuesto di Sint Eustatius. Den e kòmbersashon di 27 di òktober e Komisario di Gobièrnu i su reemplasante a informá Cft tokante e progreso ku miéntras tantu a realisá riba tereno di finansa i tokante nan puntonan di atenshon prinsipal pa futuro.

### Saba

Ku Saba e Kolegio a deliberá tokante e problemanan ku Kolegio Ehekutivo ta eksperensia pa balansá e presupuesto. En partikular e Kolegio Ehekutivo a mostra riba e gastonan di operashon i di mantenshon di e fasilidatnan públiko físiko ku a konstruí den e último añanan riba gastu di Hulanda. Saba a entregá su proyekto di presupuesto pa aña 2021 serka Cft pa esaki duna su konseho.

[Fin di komunikado]

#### Nota pa redakshon – no pa publikashon

##### Persona di kontakto na Cft:

Sekretariado Kolegionan di supervishon finansiero  
Ray Thuis – Sekretario  
Telefòn +5999 461-9081 / +5999 461-9082 / +5999 461-9084  
Email [info@cft.cw](mailto:info@cft.cw)  
Website [www.cft.cw](http://www.cft.cw)

##### Persona di kontakto ku prensa:

Jefka Martina  
Telefòn +5999 512-6861